

〈囑累品第廿二〉

【一品大意】《法華經要解》卷6：「以言托之曰囑。以法系之曰累。欲使傳續妙法。利達無窮。故曰囑累而為付授流通也。然法會未終。遽說囑累者。此經以智立體。以行成德。前之開佛知見。明一大事。立體之法既備。故說囑累。以明佛佛授手之要止此而已。後之以行成德者。唯體前法。推而行之。更無別法。既無別法。則於此囑累宜矣。華嚴有三十九品。數列修進至等覺位終。如來出現品纔三十七。遂即囑累流通。而後說普賢常行及善財南遊二品。亦以前法既備。後唯躡前以成行德。更無別法故也。又前彰智境。所以簡情顯解。後示行境。欲其解終趨行。故於此辨焉。所謂行境者。無復簡顯。無復情解。唯全體運用之而已。觀曰：若不洞明前解。無以躡成後行。又須忘絕前解。然後能入行境。是故「行由解成」。「行起解絕」。則後之行境非言所及、非解所到。亦非囑累所能相授矣。學者當進乎此。闍那、笈多後翻此經。移〈囑累〉置卷末。失華嚴之旨矣。」(X30, p.346c6-22)闍那崛多共笈多譯《添品妙法蓮華經》卷7：「囑累品第二十七」(T09,no.264,p.195c)《法華經大成》卷8：「此如來叮嚀至囑。如人王之託孤。臨大節。遇顛沛。不忘靈山之遺命。繼往開來。信與不信。方便善巧。示教利喜。使道統相傳。斯文不泯。末世之下。知有所歸也。此是諸佛一片慈悲之禍。祖禰不了。殃及兒孫。遞代相傳。故曰囑累。聖言歷三灾而不朽。優曇映七日而恒榮。賴此囑矣。」(X32,p.516b19-c1)

P. 685, L. 3【從法座起】《法華經授手》卷9：「前品神力。是慶悅眾生。以成法喜。故就座而現。以顯果體自在。今為付囑流通。雖是成就菩薩自行。然佛為續慧命。是佛己事。故從座起立。而復現神力也。直指云。舉手表權。摩頂表實。藉諸佛之權。顯自性之實。始契流通之旨。舉一手而普摩無量諸菩薩頂。是大神力。此如來以身業加持也。已上是經家敘置。結證〈法師品〉則為如來手摩其頭之案(p.450:4)。二曰。我於無量劫。修習是難得法。今以付汝等。是以口業加持也。三曰。汝等應當一心流布此法。廣令增益。是意業加持也。此結證法師品則為如來所遣行如來事之案(p.444:-6)。即此三處加被。見如來大展慈悲。無怯無畏顯矣。細玩付囑之詞。曰我於無量劫。修習是難得之法。此中勤苦有不忍具說者。豈獨於阿私仙處。千歲忍苦。為常不輕時。億劫行道耶。須知歷塵點劫之捨身命。又豈止一娑婆而無芥子許空處耶。總為得此法之難耳。今以此難得之法。付囑汝等。汝等但憶己之勤苦難得。當思吾之勤苦難得。豈不盡力流通哉。此為佛囑上行等之苦切至矣。再觀初曰『廣令增益』。後曰『令一切眾生普得聞知』。此又為吾佛不捨一眾生之苦切至矣。讀者當深生慚愧。」(X32,p.790a5-b1)

P. 685, L. -1~P. 686, L. 1【一切智、道種智、一切種智】天台宗以此三智為空、假、中三觀所成，以一切智為空智，道種智為假智，一切種智為中智。而能成的三觀有隔歷、圓融之異，故所成的三智亦有次第、不次第之別。次第的三智指空智、假智、中智三者必有次第而不融即，此為別教所立的智慧。此別教之次第三智，以空、假、中三智為三級。知諸法無生的空智屬初級；知諸法假有的假智屬次級；知中道之理的中智屬最後級。其中，因空智不超出藏通二教空觀所成空智的內容，故以義配聲聞智、菩薩智、佛智。從而三智有勝劣之別，空智劣，假智稍勝，中智最勝。然此三智在橫的方面，隔別不融通；在豎的方面，次第不相即，三必是三不是一，一必是一不是三，故稱次第的三智。

不次第的三智指空智、假智、中智三者不次第而相互融即，這是圓教所立的智慧。《摩訶止觀》：「佛智照空，如二乘所見，名一切智；佛智照假，如菩薩所見，名道種智；佛智照空假中皆見實相，名一切種智；故言三智一心中得。（中略）一心三觀所成三智，知不思議三境，此智從觀得故受智名。」因之，不次第的三智係唯一佛智。即能成的三觀是一心圓觀，故所成的三智亦一心中得，非縱非橫，如伊字三點、天主三目，三即一、一即三。雖云空智但非空智，即假智，即中智；假智、中智亦然，即一三三一，三三融即，自在無礙。
~《中華佛教百科全書》

P. 686, L. 1【三一相即三一互融】參考 p. 455

	法身德	般若德	解脫德	無二
慈悲室	同體大悲	令眾解會同體本具	慈被眾生	缺衣座非大悲宏誓
忍辱衣	法身為陰所覆	寂滅忍能覆莊嚴身	和光利物	缺室座非法身滿證
法空座	所坐	能坐	身座冥稱	缺衣室非遍破諸惑

《妙法蓮華經文句》卷10：「於如來室中，能施眾生三種智慧，乃至座中亦復如是，如是施主故無慳悋、故無所畏，汝等當學如來此法，是名釋出佛意而付囑之。」(T34,p.142c15-18)《法華文句記》卷10：「衣座室三，各具三智，祇是三一相即、三一互融，故一中具三，以此三事弘經益他，令他各得果地三智之用，故知室若無二，弘誓不普；衣若無二，法身不滿；座若無二，惑破不周。「如是施主」下，結能施意。應云：如是施主。三法無闕。自他不空，是施主故。有大慈悲，自既入室令他入室；無慳吝故，自既著衣令他著衣；無所畏故，自既坐座令他坐座。亦可云無慳吝故施此三法，無所畏故說此三法，若施若說。皆具慈悲，即入室三法也。」(T34,p.353,c29-p.354,a10)